

詩經四家異文考

詩經四家異文攷自叙

六經自秦火之後亡逸渺傳雖易以卜筮得存然  
藏絕不見其書惟詩三百五篇遭秦而全者以其誦誦不  
獨在竹帛故也漢興言詩者四家漢書藝文志載詩經二  
十八卷魯齊韓三家魯故二十五卷魯說二十八卷齊后  
氏故二十卷孫氏故二十七卷齊后氏傳三十九卷孫氏  
傳二十卷齊雜記十八卷韓故三十六卷內傳四卷外傳  
六卷韓說四十一卷毛詩經二十九卷毛詩故訓傳三十  
卷儒林傳云漢興言詩於魯則申培公於齊則轅固生燕  
則韓太傅魯詩有張唐褚氏之學又有韋氏學許氏學齊

詩有翼匡師伏之學韓詩有王食長孫之學毛詩則毛公授同國貫長卿長卿授解延年延年授號徐敖敖授九江陳俠山是言毛詩者本之徐敖四家之詩其始口相傳授受之者非一邦之人人各用其鄉音故有同言而異字同字而異音者然而古人文字聲音訓詁通假之源未始不可於彼此同異之間觀其會通觸類而引伸之足以舉一反三焉則網羅眾家統同而辨異沿流以溯源誠學者集思廣益之助也後漢賈逵嘗受詔撰魯齊韓詩與毛氏異同惜其書不傳梁崔靈恩采三家詩爲集注其書亦亡今世所行者毛傳鄭箋之外僅存韓詩外傳而已姑無論三

家漢學就湮卽魏晉以迄六朝如王肅之述毛孫毓之詩  
評王基陳統之駁難周續之雷次宗劉瓛之詩序義全緩  
舒瑗劉軌思之詩義疏皆久已散佚豈非稽古者之大憾  
歟先大夫奉政公嘗語喬樸云詩有三家魯齊韓猶春秋  
之有公羊穀梁不可偏廢二傳存而三家詩亡說經者之  
不幸也三家訓詁大義多足與毛傳相發而鄭箋與毛傳  
異者往往本之三家鄭君時魯齊韓並立學官家習戶誦  
故箋所采摭不煩具徵諸家而治詩者無不知之然非鄭  
君囊括宏通莫能擇善而從居今日而非博觀詳說亦莫  
能探古人之用心而尋其條理宋浚儀王伯厚甫蒐採記

傳所引三家異字異義萃爲詩攷四卷近范陽盧學士文  
昭就王氏詩攷復加增校採撫較廣然間尙不免挂漏外  
駁喬樞敬承先大夫遺訓述魯齊韓詩遺說與毛詩同異  
者撰次成帙遂加攷證成魯詩遺說攷六卷齊詩遺說攷  
四卷韓詩遺說攷五卷因增補毛魯齊韓四家詩異文舊  
爲此編釐爲五卷凡近儒所討論有資校勘者靡不參互  
稽覈附案於後亦以尋遺經之墜緒廣古學之異聞云爾  
道光二十有三年歲次癸卯孟夏四月侯官陳喬樞樸園  
甫自敘

詩經四家異文攷卷之一

侯官陳喬樞學

國風

周南關鵲○陸德明毛詩釋文雖依字且邊佳旁或作鳥  
關關鵲鵲○昭明文選張衡東京賦鵲鵲麗黃關關嚶嚶  
案此作鵲字與陸所云或本合

在河之州○許慎說文川部水中可居者曰州水周邊其  
旁從重川詩曰在河之州

案此毛氏古文也加水旁作洲乃今文俗體耳

君子好仇○毛詩釋文好毛如字鄭呼報反速音求毛云

匹也本亦作仇音同鄭云怨耦曰仇

案孔穎達正義云詩本作逌爾雅多作仇字異音  
同今據鄭君以怨耦釋仇字則詩箋本不作好逌也  
禮記緇衣詩云君子好仇鄭康成注仇匹也

班固漢書匡衡疏詩曰窈窕淑女君子好仇

郭璞爾雅釋詁注詩曰君子好仇

案李善文選注十一

何晏景福賦注

十八

稽康琴賦注

二十四

稽康贈秀才入軍詩注

引毛詩並作好仇又後漢書邊讓傳章

懷太子注又白居易六帖十七引詩文同

君子好求○文選一班固西都賦六臣注詩云君子好求

案後漢書應奉傳云宜思關雎之所求又孫炎爾雅注云相求之匹是其所據詩本有作好求者

樛差蒨菜○說文木部樛木長貌從木參聲詩曰樛差蒨菜

案段玉裁說文解字注云上林賦紛溶蒨蓼郭云支竦擢也蓼同樛李善音森今詩作參許所據作樛謂如木有長有短不齊也喬樛攷宋玉九辨蒨樛樛之可哀兮王逸注云華葉已落莖獨立也張衡西京賦樛爽樛樛蒨蒨注云皆草木盛貌也毛詩參字卽樛之消借



參差荇菜○毛詩釋文荇本亦作荇

案爾雅釋草荇接余其葉苳爾雅是魯詩之學則作  
荇者魯詩異文也說文草部荇莢餘也從草杏聲重  
文蒨云荇或從蒨同盧文弼曰今本說文蒨誤脫水  
旁五經文字不誤云荇蒨二同爾雅釋文亦云荇說  
文作蒨當據以改正

左右流之○毛詩箋左右助也

案釋文云左右王中毛如字鄭上音佐下音佑

展轉反側○毛詩釋文轉本又作展

案文選注十一

王粲登樓賦注

十三

潘岳秋興賦注

又後漢書光武

紀注引竝作展轉

左右規之○顧野王玉篇見部詩曰左右規之規擇也規本亦作毫

案規毛詩作毫說詳韓詩攷

鼓鐘樂之○韓詩外傳五詩曰鼓鐘樂之

案外傳一引詩仍作鐘鼓與毛詩文同說詳韓詩攷

葛覃○蔡邕協和婚賦葛覃恐其失時

案覃毛詩作覃說詳魯詩攷

是艾是瀼○毛詩釋文是艾本亦作刈韓詩云刈取也

案據陸氏語則作刈者三家今文也孔氏正義本亦

作刈字蓋所據本與陸氏不同耳

是刈是鋤○爾雅釋訓是刈是鋤鋤煮之也

案毛傳漚煮之也釋文引韓詩云漚漚也作鋤者魯詩之文與毛韓字異說詳魯詩攷

是刈是漚○陸德明爾雅釋文是刈本亦作刈是鋤本亦作漚

案說文刈芟草也或從刀作刈又者刈之古文又者又之通假也說詳魯詩攷

是刈是穫○白居易六帖八詩曰是刈是穫爲緇爲緇

案白帖兩引皆作穫字又李昉太平御覽八百十九

引詩文同

服之無獸○〔毛詩釋文〕獸本又作獸

案獸乃獸之俗體獸字訓厭俗以厭字從犬故獸字亦從犬作獸耳

服之無射○〔禮記緇衣〕葛覃曰服之無射

案禮記釋文云葛覃徒南反是陸本覃字作覃

爾雅釋詁注詩曰服之無射

案爾雅釋文云射字又作獸毛詩正義曰獸厭釋詁文彼獸作射音義同又王逸楚詞注引詩亦作射

卷耳○〔爾雅釋草〕卷耳苓耳

案爾雅釋文云卷謝作卷詩卷耳是也

不盈傾筐○李昉太平御覽九百九十八毛詩卷耳曰采  
采卷耳不盈傾筐

案今毛詩作頃筐釋文引韓詩云頃筐欬器也同作  
頃字御覽所據蓋毛詩之異文

我馬痠痠○毛詩釋文虺說文作痠隤說文作痠

案爾雅作虺痠郝懿行云痠字誤說文作痠云病也  
詩及爾雅虺字俱痠之假借喬樞謂郝說非是攷玉  
篇云痠馬病也當卽本於說文今本說文無痠字蓋  
文脫佚耳不得以痠字爲痠之誤也

我馬虺虺○〔玉篇〕九部虺虺馬病

案虺虺俗作虺虺〔玉篇〕所據亦三家之異文

我芻酌彼金甌○〔說文〕乂部秦人市買多得爲芻從乃從  
久益至也詩曰我芻酌彼金甌

案毛詩作姑酌傳云姑且也段玉裁曰許所據者毛  
詩古本今作姑者後人以今字易之也〔玉篇〕曰芻今  
作沽引論語求善價而沽諸

酌彼金甌○〔漢書〕文三王傳注應劭曰詩云酌彼金甌  
畫雲雷之象目金飾之也

案說文甌爲籀文甌字說詳齊詩攷

陟彼高岡○釋元應衆經音義二十五詩云陟彼高岡陟登也

案文選注二十四

曹子建贈白馬王彪詩注

又爾雅釋詁邢昺疏

又太平御覽五十三引詩文同

我姑酌彼兕觥○毛詩釋文兕本又作兕爾雅云兕似牛觥以兕角爲之字又作觥

案正義本作兕觥與釋文所據本文異

陟彼磻矣○毛詩釋文磻本亦作砠

案正義本作砠張參五經文字云砠見詩磻亦作砠

見詩風

陟彼岵矣。○〔說文山部〕岵石戴土也。從山且聲。詩曰陟彼岵矣。

我馬屠矣。○〔毛詩釋文〕屠本又作屠非。

案爾雅釋文屠詩作屠屠者魯詩今文作屠者毛氏古文假借字詩釋文以本又作屠爲非蓋不知古文通假耳。

我僕鋪矣。○〔毛詩釋文〕鋪本又作鋪非。

案爾雅釋文鋪詩作鋪鋪亦古今文之異段玉裁曰雨無正淪胥以鋪毛傳鋪病也與此同爲假借字。

云何吁矣。○〔爾雅釋詁注〕詩曰云何吁矣。



云何忤矣○爾雅釋文肝本或作忤

案毛傳吁訓憂當從心作忤爲正吁肝皆忤之假借  
枓木○毛詩釋文枓木馬融韓詩本竝作枓說文以枓爲  
木高

案孔氏正義云毛詩字與三家異者動以百數蓋毛  
用古文三家則皆今文也

葛藟藥之○毛詩釋文藟本亦作藥藥本又作藥

葛藟藥之○王逸楚詞注十六詩曰葛藟藥之

案說詳魯詩攷又御覽一百卅五引詩亦作藥字

葛藟帶之○毛詩釋文帶本又作縈旋也說文作藥

案正義本作榮陸氏所據毛詩之異文也

葛藟榮之○說文草部榮草旋貌也從草榮聲詩曰葛藟榮之

案說文衣部榮讀若詩葛藟榮之文仍與今毛詩同則草部所引作榮者三家之異文也

螽蟴○毛詩釋文螽斯爾雅作螽蟴

螽蟴羽○取經音義士詩曰螽蟴羽傳曰螽蟴蚣蝋也

案眾經音義十三引詩同又爾雅釋文蟴本又作蟴詩作斯斯者毛氏古文消借字蟴者三家今文也蟴古通用

辭辭兮○毛詩釋文說說舉多也說文作辭音同

案今本說文多部無辭字陸氏所據蓋古本有之玉篇多部辭姓也多也或作華辭辨說姓玉篇辭字即本於詩文又攷說文言部說致言也從言從先先亦聲詩曰龠斯羽說說兮文與毛詩同則辭字當爲三家今文也

宜爾子孫繩繩兮○爾雅釋訓繩繩戒也

案爾雅釋文繩繩本或作繩同食蒸反作繩者魯詩之異文說詳魯詩攷

桃夭

桃之杕杕○說文木部杕木少盛貌從木天聲詩曰桃之杕杕

桃之娒娒○說文女部娒巧也一曰女子笑貌詩曰桃之娒娒從女芙聲

案毛詩作夭許所據杕娒皆三家之異文杕字見九經字樣又廣韻四皆杕下載說文引詩亦作杕張揖廣雅釋訓娒娒茂也玉篇娒媚也娒與妖同

其葉漆漆○杜佑通典福十九詩曰其葉漆漆

案毛詩作藎藎傳云至盛貌與韡詩藎藎者莪薛君曰藎藎盛貌訓義竝同漆者藎之通假揚雄太元經

物出漆漆亦假漆為蔡字漢書王褒傳萬祥畢漆注

漆與臻同

菟且○毛詩釋文菟又作兔

案正義本作兔放楚詞天問篇厥利惟何而顧菟在腹漢書賈誼傳今不搏反冠而搏菟賈山傳上覆

飛鳥下不見伏菟皆假菟為兔字

糾糾武夫○謝承後漢書糾糾武夫公侯干城後漢書桓榮傳章懷

太子注引

案糾糾毛詩作赳赳謝承書所據是三家之異文

公侯扞城○呂覽報更篇詩云赳赳武夫公侯扞城

案毛傳云干扞也鄭箋云干也城也皆所以禦難也  
釋文云干如字孫炎注云干楯所以自蔽扞也干扞  
古今文之異

施于中堦○季善文選注十二韓詩曰蕭蕭兔置施于中

堦薛君曰中堦堦中九交之道也鮑照焦城賦注

案文選注二十顏延年釋及二十七王粲從軍詩注引韓詩

同說詳韓詩攷

茅苴○毛詩釋文苴本亦作苴音以韓詩云直曰車前罪

曰茅苴

案自古以字茅苴或作茅苴亦古今文之異

薄言擷之。○〔毛詩釋文〕擷一本作禰同

案毛傳禰訓扱衽則字當從衣作禰爲正說文衣部云以衣衽扱物謂之禰或從手作擷

漢廣

南有橋木。○〔毛詩釋文〕喬木亦作橋

案說文喬高而曲也從夭從高省詩云南有喬木橋字卽取義於喬象其高而曲之形

不可休思。○〔韓詩外傳一〕詩曰南有喬木不可休思

案毛詩釋文云休息竝如字古本皆爾本或作休息此以意改耳今攷劉向列女傳一引詩作不可休息

又焦氏易林萃之漸云喬木无息漢女難得是所據  
詩亦作休息與毛詩古本同孔氏正義曰毛傳解喬  
木之下先言思辭然後始言漢上疑經休息之字作  
休思詩之大體辭在辭上但未見如此本不敢輒改  
臧庸云案正義說當作休思箋云故人不得就而止  
息思字或因此而誤也歐陽詢藝文類聚八十八引  
詩亦作不可休思

漢有遊女○孔穎達毛詩正義云定本游作遊

案此從阮氏校勘記訂正各本誤爲遊作游非是

江之濊矣○文選注十一韓詩曰江之濊矣不可方思薛



君曰漾長也

王粲登樓賦注

案漾本水名書禹貢嶧冢導漾是也韓詩假借爲漾字故薛君以長訓之王粲賦云川既漾而濟深語本韓詩

江之漾矣○說文水部漾水長也從永羊聲詩曰江之漾矣

案說文永長也象水至理之長詩曰江之永矣漾下又引詩作漾此兼採古今文也說詳魯詩攷

不可舫思○爾雅釋言舫汭也邢昺疏周南漢廣云不可方思方舫音義同

案爾雅釋文方樊本作坊郝懿行云坊蓋枋字之誤  
枋與舫同見史記張儀傳案隱方舫古今文之異說  
詳魯詩攷

言采其萋○楚詞注土萋香草也詩曰言采其萋

案毛詩采作刈又廣韻十九侯引詩亦作言采其萋  
蓋撫三家詩之文說詳魯詩攷

汝濱

遵彼汝濱○太平御覽七十二詩曰汝濱道化行也文王  
之化行乎汝濱之國也遵彼汝濱伐其條枚

案毛詩作墳傳訓爲大防作濱者三家詩今文也說

文水部濱水厓也從水賁聲引詩曰敦彼淮濱周禮  
大司徒墳衍注云水厓曰墳則墳字古書多與濱通  
爾雅釋地注詩曰遵彼汝濱

案續漢書郡國志汝陰注云地道紀有閭邱鄉詩所  
謂汝墳也郭注爾雅於汝有墳句不知墳濱古通乃  
於汝爲濱下引詩以證之殊誤據爾雅釋文云衆爾  
雅本皆作汝爲涓則濱乃譌字耳說詳魯詩攷

愁如輞飢○毛詩釋文愁本作愁調本又作輞音同

案蜀石經作輞飢與釋文又作本同

憊如調飢○毛詩釋文憊韓詩作憊

案說文惛惛貌讀與愁同說詳韓詩攷

惛如周饑○焦贛易林兌之噬嗑過時不遇惛如周饑

案白帖八十二引詩作惛如調饑亦四家詩之異文  
周字卽朝之消借

惛如朝飢○說文心部惛飢餓也一曰憂也從心叔聲詩  
曰惛如朝飢

案晉郭遐周詩言別在斯須惛焉如朝饑卽用汝墳  
詩語作調作朝作周者皆朝之假借字

惛焉且飢○蔡邕青衣賦思爾念爾惛焉且飢

案且字乃且之譌且飢卽朝飢也

不我遐弃○唐石經棄字作弃

魴魚𩚰尾○說文赤部𩚰赤色也從赤巫聲詩曰魴魚𩚰尾𩚰或從貞作𩚰或從丁作𩚰

魴魚𩚰尾○毛詩釋文𩚰赤也說文作𩚰又作𩚰並同

案盧文弨曰𩚰字卽𩚰之誤陸氏說非也臧庸曰五經文字𩚰𩚰二字同釋文作𩚰見詩風與今釋文不合

王室如毀雖則如毀○列女傳二詩曰魴魚𩚰尾王室如毀雖則如毀父母孔邇

案毛詩作如燬說詳魯詩攷

王室如焄雖則如煇○後漢書周磐傳注韓詩曰魴魚魴  
尾王室如焄雖則如煇父母孔邇薛君章句曰魴赤也  
焄烈火也孔甚也邇近也

案王氏詩攷載後漢書注引韓詩作焄字今本章懷  
注作煇乃後人依毛詩誤改之

韓詩外傳一詩曰雖則如煇父母孔邇

案今本外傳亦作如煇皆轉寫者依毛詩改字耳

說文火部煇火也從火尾聲詩曰王室如煇

案九經字樣亦作煇

麟止○毛詩釋文止本亦作趾

吁嗟麟兮○文選注三十薛君韓詩章句曰吁嗟歎辭也

謝元暉和王著  
作八公山詩注

案毛詩作于嗟

麟之頌○爾雅釋言注詩曰麟之頌

案毛詩頌作定爾雅釋文頌字又作定

邵南鵲巢○毛詩釋文召本亦作邵

案三家今文皆作邵字

維雛有巢○毛詩釋文鵲字林作雛

百兩御之○毛詩釋文御本亦作訝又作迓

案釋文御五嫁反訝迓同迓也王肅讀魚據反侍也

百兩御之○孔穎達尚書牧誓正義數車之法一車謂之

一兩詩云百兩御之

采芣○毛詩釋文芣本亦作繁

被之童童○禮記射義注采芣曰被之童童夙夜在公

案唐不經禮記采芣作采繁又釋文云僖僖本亦作



童僮與童通說詳齊詩攷

薄言旋歸○山井鼎詩經考文足利本還作旋

草蟲○毛詩釋文蟲直忠反本或作虫非也虫音許鬼反  
陸璣草木疏云草蟲負蝥大小長短如蝗而青也

超超蜚蜚○爾雅釋蟲注詩曰嘒嘒草蟲超超蜚蜚

案毛詩蟲作阜蓋古文沿借字說文繫傳引作阜

憂心忡忡○楚詞注二懔懔憂心貌

案臧庸云毛詩憂心忡忡三家詩必有作懔懔者廣

雅釋訓懔懔憂也正釋詩與叔師合

憂心忡忡○桓寬臨鐵論論誹篇詩云未見君子憂心忡

冲

案楚詞九歌注懞懞一作冲與鹽鐵論合

亦既遘止○邢昺爾雅釋詁疏召南草蟲曰亦既遘止

案遘毛詩作覯

言採其蕨○太平御覽九百八十一詩曰言採其蕨

言採其薇○吳淑事類賦二十四詩曰言採其薇

案採毛詩皆作采

我心則悵○爾雅釋言注詩曰我心則悵

案爾雅釋文悵本又作夷毛詩正作夷字夷悵古今

文之異

采蘋

于以採蘋南澗之瀕。○采書何尚之傳袁淑書曰舍南瀕之操尚之宅在南澗寺側故書云南瀕毛詩所謂于以採蘋南澗之瀕也

案毛詩採作采瀕作瀕此所據者毛詩之異文也白帖卷一百引詩亦作于以採蘋

于以采藻○說文草部藻水草也從草從水巢聲詩曰于以采藻重文藻云藻或從澡

于以鷀之惟鎡及釜○漢書郊祀志注韓詩曰于以鷀之惟鎡及釜

案毛詩鵲作湘惟作維說詳韓詩攷

有齋季女○毛詩釋文齊本亦作齋同側皆反敬也

案白帖六十九引詩作齋字

有齋季女○玉篇女部齋阻皆切有齋季女說文子奚切材也

案廣雅訓齋爲好與材義近齋字亦三家之異文

甘棠

蔽芾甘棠 邵伯所茇○漢書王吉傳注師古曰邵南之詩曰蔽芾甘棠勿剪勿伐邵伯所茇蔽芾小樹貌

案毛詩作蔽芾盧文弼曰芾乃說文之末此蔽芾當

從之而今本皆作芾惟毛本此注尙作第然今漢書本亦改從市矣又趙坦云隸釋涼州刺史魏丕元碑作芾芾金薤琳琅漢蕩陰令張遷碑作蔽沛皆三家之異文邵毛詩作召

蔽第甘棠○韓詩外傳一詩曰蔽第甘棠勿剪勿伐召伯所茇

案翦當作剡此傳寫者誤改之

王肅家語廟制篇詩云蔽第甘棠勿剪勿伐

勿剡勿伐○毛詩釋文翦韓詩作剡初簡反

勿翦勿伐○漢書韋元成傳劉歆廟議詩云勿翦勿伐邵

伯所爰

案鬻毛詩作翦韓詩作剡此所引魯詩文也說詳魯詩攷又事類賦二十四御覽九百七十二引詩竝作勿翦玉篇以翦爲翦俗字攷說文刀部剡齊斷也從刀菴聲此翦之正字與剡義同翦鬻皆假借字

召伯所度。說文广部度舍也從广友聲詩曰召伯所度案毛詩作爰傳云草舍也許所引作度蓋用三家今文故與毛傳訓義微異

勿剡勿敗。丁度集韻廿六產剡翦也韓詩曰勿剡勿敗召伯所揭。毛詩釋文想本又作揭

邵伯所憇○象語廟制篇詩云邵伯所憇

案揭字乃憇之譌說文憇息也從心曷聲詩小雅苑柳不尙憇焉大雅民勞汔可小憇毛傳皆訓息也此詩憇字毛傳亦云息也憇卽憇之或體集韻云憇本作憇或作憇可證也憇又通作偁揚子雲甘泉賦度三轡兮偁榮黎李善文選注引韋昭曰偁息也音憇顏師古漢書集注云偁讀作憇

勿剪勿扒○孫愐廣韻十六怪扒拔也詩曰勿剪勿扒案亦作拜

案毛詩箋云拜之言拔也廣韻所引蓋三家之異文

雖字異而訓義仍同扒得與拜通者攷司馬相如上林賦洶湧澎湃韓愈孟郊征蜀聯句云獠江息澎湃澎湃卽澎湃也此足爲扒拜通假之驗

召伯所稅○爾雅釋詁注詩曰召伯所稅

案文選注二十引毛詩作稅

曹植應詔詩注

召伯所脫○毛詩釋文說本或作稅又作脫同始銳反舍也

案說稅脫三者古並通用

行露

厭挹行露○毛詩釋文浥本又作挹



案厭浥毛傳訓爲濕意也則文當作浥爲正挹盥同音假借字

何以穿我屋○毛詩釋文穿本亦作窻音川

案司馬光類篇穴部云穿說文通也從牙在穴中或

從身作穿

亦不爾從○韓詩外傳二詩曰雖速我訟亦不爾從

案爾毛詩作女

羔羊

素絲五它 素絲五佗○毛詩釋文它本又作佗同徒何反它數也不或作紕

案正義本作紕字說詳韓詩攷

委委蛇蛇。毛詩釋文蛇本又作蛇同音移讀此句當云  
委蛇委蛇沈讀作委委蛇蛇

逶迤逶迤。毛詩釋文委蛇韓詩作逶迤云公正貌

案隸釋載衡方碑祿階在公王氏詩攷云祿階卽委  
蛇出韓詩內傳說詳韓詩攷

古文苑三曹大家鍼縷賦退逶迤以補過似素絲之羔  
羊

案此與韓詩文同

逶迤逶迤。洪适隸釋費鳳別碑君有逶迤之節自公之

操

案隸續載卽中令王政碑亦作透虵趙坦云隸釋酸棗令劉熊碑作委隨童子逢盛碑作逶迤皆透迤之異文

羔羊之黻。說文黑部黻羔裘之縫也從黑或聲徐鉉繫傳云詩曰羔羊之黻以黑爲縫也

案毛詩羔羊之革素絲五緘傳云革猶皮也緘縫也許所據詩作黻是三家之異文爾雅釋詁緘羔裘之縫也郭璞注云縫飾羔皮之名邵晉涵正義曰初學記引郭氏毛詩拾遺云羔裘晏兮三英粲兮毛詩注

曰三英三德也英謂古者以素絲英飾裘卽上文素絲五紵也是郭氏釋詩以素絲爲縫也說文繫傳云以黑爲縫與郭異喬樅謂據繫傳引詩則是以羔羊之黻當羔羊之章句攷玉篇黻羔裘之縫亦黻字疑三家今文有作羔羊之黻者或從黑作黻徐楚金所據當是三家之佚文散見他書者故引以爲證

逶迤逶迤自公退食。○〔文選五十七潘安仁馬汧督誄牧人逶迤自公退食〕

案此五臣注本也李善本作逶迤注引毛詩曰逶迤逶迤自公退食疑是順潘誄文改字耳

案經五總○唐石經總字作總

案五經文字云總從總作總者訛

殷其雷○毛詩釋文殷音隱雷亦作雷力回反

案徐堅初學記一引詩作雷字

隱其雷○爾雅釋詁疏召南隱其雷云何斯遠斯

案臧輔云建本殷字作隱

迨其雷○廣韵六脂迨雷也出韓詩

案玉篇雨部迨隱也雷也說詳韓詩攷

莫敢或徂○毛詩釋文迨本或作徂暇也

案釋文於詩序不迨徂處云迨本或作徂知經迨字

或有作徯者

莫敢或遑息 莫敢或遑處○〔山井鼎詩經考文足利本  
兩句皆有或字〕

莫或皇處○〔眾經音義六詩曰莫或皇處〕

案或字舊譌作我非是毛詩作莫或遑處元應所據  
蓋韓詩也

莫敢遑處○〔宋本或字作敢〕

標有梅○〔歐陽詢藝文類聚八十六毛詩召南曰標有梅  
男女及時也詩曰標有梅其實七兮〕

案白帖九十九引詩亦作標此毛詩之異文也爾雅

釋詁疏太平御覽七百六十九百七十引並同

菱有梅○〔趙岐孟子章句〕一詩曰菱有梅菱零落也

案漢書食貨志贊引孟子菱作菱說詳魯詩攷

菱有梅○漢書食貨志注鄭氏曰菱音菱有梅之葉

案鄭氏晉灼集注云北海人臣瓚集解以爲鄭德是

也鄭氏所引蓋齊詩之異文說詳齊詩攷

菱有梅○〔毛詩釋文〕梅木名也韓詩作楸

〔孫奭孟子音義〕菱有梅下云韓詩也

案菱當作菱下云者唐下公著孟子音義也楸與梅

同古梅字作某說詳韓詩攷

傾筐概之。○玉篇手部詩云傾筐概之

案毛詩傾作頃概作堅白帖九十九引詩與玉篇文

同

小星

實命不同。○毛詩釋文寔韓詩作實云有也

案詩韓弈箋云趙魏之間寔同聲說詳韓詩攷

抱衾與幬 抱衾與幬。○爾雅釋訓幬謂之帳釋文云幬

本或作幬

案邢疏引詩抱衾與幬云幬初音義同鄭君詩箋云

稠牀帳也與毛傳稠訓禪被義異說詳魯詩攷



寔命不猷○爾雅釋言注詩曰寔命不猷

案毛詩猷字作猶訓義均同

江有涇○說文水部涇水也從水臣聲詩曰江有涇

案說文汜下云水別復入也一曰汜窮瀆也從水巳

聲詩曰江有汜說文兩引詩一據毛氏一據三家今

文也臧庸曰昌東萊讀詩記引董氏曰石經作涇

之子于歸○詩經考文是利本三章皆有于字

其猷也譌○說文欠部猷吟也從欠肅聲詩曰其猷也譌

案說文猷字注云臣鉉等案口部有此猷文此重出

毛詩作嘯箋云嘯蹙口而出聲

野有死麋 野有死麋○毛詩釋文麋木亦作麋又作麋  
麋獸名草木疏云麋麋也青州人謂之麋

案正義本作麋攷說文鹿部麋麋也從鹿困省聲重  
文麋云籀文不省玉篇鹿部云麋與麋同又左傳昭  
元年子皮賦野有死麋釋文麋亦作麋

白茅苞之○毛詩釋文苞通茅反裹也

衛風木瓜正義野有死麋白茅苞之

案今毛詩作包包苞古今字禮記曲禮正義引此詩  
亦作苞字又菽文類聚八十一白帖一百太平御覽  
九百九十六引詩同

林有樸藪○太平御覽五十七詩曰林有樸藪

案毛詩作樸藪此藪字蓋三家之異文

白茅屯束○毛詩箋純讀如屯

案釋文純徒本反沈云鄭徒尊反屯聚也正義曰以純非束之義故讀爲屯詳見鄭箋改字說

無撼我輓兮○太平御覽九十四國風曰無撼我輓兮

案毛詩作感蓋撼之消借釋文云感如字又胡坎切動也胡坎切卽撼字之音

何彼穠矣

何彼蕤矣○毛詩釋文穠如容切韓詩作蕤音容說文云

禮衣厚貌

案毛傳禮猶戎戎也戎卽戎之消借說詳韓詩攷何彼穠矣棠棣之華○太平御覽一百五十二毛詩曰何彼穠矣棠棣之華

案今毛詩作唐棣又穠字作禮五經文字云穠見詩風從禾者訛攷文選二十九曹子建雜詩注白帖三十七九十九太平御覽五百四十七百七十二八百三十四引詩竝作穠字則其訛已久矣

曷不肅雍○徐堅初學記上詩曰曷不肅雍王姬之車

案文選注五十七引詩亦作雍字

謝莊宋孝武宣貴妃誄注

今毛

詩作離

騶虞

一發五羝○詩汜稱樞曰彼茁者葭一發五羝孟春蹠肥  
草短之候也

一發五羝○太平御覽九百三國風騶虞曰一發五羝

案一毛詩作壹三家皆作一說文豕部云羝牝豕也  
一曰二歲能相把持也則作羝爲正字羝又作羝羝  
羝皆羝字之或體

吁嗟乎騶虞○說文類聚九十九毛詩曰吁嗟乎騶虞

案今毛詩作于嗟于卽吁之消借

于嗟乎騶吾。〔文選〕三張衡東京賦注劉芳詩義疏曰騶  
虞或作騶吾

案李善又引山海經曰林氏有珍獸大若虎五采畢  
具尾長於身名曰騶吾乘之曰行千里放尙書大傳  
云散宜生於陵氏取怪獸尾倍其身名曰騶虞是林  
氏卽陵氏騶吾卽騶虞也

壹發五豸。〔太平御覽〕九百三詩騶虞曰一發五豸  
壹發五豸。〔毛詩釋文〕豸字又作豸同

案集韻云本作豸或作豸是豸乃豸之或體豸豸本  
皆從豸亦作豸豸者猶豸字之俗書作豸也

邶風○毛詩釋文邶本又作鄩

案漢書一百下師古注引亦作鄩趙坦云國語魯語  
下兩見皆作鄩

背風○隸釋衛尉衡方碑感背人之凱風

案鄭樵通志氏族畧二鄩亦作背

柏舟○毛詩釋文柏音百字又作柏栢木名

案說文柏從木白聲作栢者俗體字耳

炯炯不寐○楚詞章句五詩云炯炯不寐

案楚詞嚴忌哀時命日夜炯炯而不寐兮懷隱憂而  
歷茲與王逸所據詩文同毛韓詩均作耿耿說詳魯

詩放

如有殷憂○〔文選〕十六陸士衡歎逝賦〔注〕韓詩曰耿耿不

寐如有殷憂殷深也

案文選注二十三

阮籍咏懷詩注

三十七

劉琨勸進表注

五十三稽康

養生論注引詩文同

以遊以遊○〔毛詩釋文〕敖本亦作遊

案放遊古今字之異文選注十八

稽康琴賦注

又三十淵陶

明雜詩注並引作遊字

我心匪監○〔毛詩釋文〕監本又作鑒鏡也

案正義本作鑒韓詩外傳同監鑒古今文之異



威儀逮逮○毛詩釋文根本或作逮

案左傳襄三十二年引衛詩威儀逮逮釋文云根本

又作逮又漢書韋元成傳注引亦作逮字

禮記孔子問於威儀逮逮不可選也

案鄭注云逮逮安和之貌也說詳齊詩攷

王肅家語論禮篇威儀逮逮不可選也

案此可爲毛詩或本作逮之證

不可算也○朱穆絕交論詩云威儀逮逮不可算也

案王氏詩攷所引如此今本後漢書注引仍作選

遺閱既多○毛詩釋文遺本或作覲

案正義本作覲

漢書敘傳遭閔既多是用廢黜

案師古注引詩亦作造字

遭慙既多○楚詞注十四詩曰遭慙既多

案今本楚詞作閔舊校云閔一作慙說詳魯詩攷

寤字有標○毛詩釋文辟本亦作擘

案爾雅釋文云辟宜作擘詩曰寤擘有標辟者擘之

古文消借字三家今文多作擘擘古通用文選注

十八

馬融長  
笛賦注

三十五

張景陽  
七命注

引毛詩亦作擘詩經考

文云足利本正作擘字

〔玉篇〕手部擗拊心也詩曰寤擗有標

晤辟有標○〔說文〕日部晤明也從日吾聲詩曰晤辟有標  
案晤今詩作寤毛傳無訓惟陳風可與晤歌傳云晤  
遇也與此義異攷說文云寐覺而有言曰寤從寢消  
吾聲周禮司寤氏注云寤覺也左傳文四年以覺報  
宴注云覺明也是覺亦有明義寤從寢消義與寐反  
徐鍇說文繫傳云寐之言迷也不明之意寢之言蒙  
也不明之貌故寐覺曰寤其義爲明許所據詩作晤  
蓋四家之異文

胡載而微○〔毛詩釋文〕迭韓詩作載云載常也

案迭字毛詩傳箋均無訓釋正義以迭爲更迭今詳箋言君道當常明如日疑迭卽秩之假借賓之初筵詩不知其秩烈祖詩有秩斯祐毛傳並云秩常也祿衣○〔毛詩箋〕祿當爲祿轉作祿字之誤也

案釋文祿衣毛如字鄭改作祿篇內各同詳見鄭箋改字說

女所治兮○〔毛詩釋文〕女崔云毛如字鄭音汝

俾無尤兮○〔毛詩釋文〕訖音尤本或作尤

燕燕

鸛鳴于飛○〔秋文類聚九十一〕〔毛詩〕曰鸛鳴衛莊姜送歸

妾也鸛鸛于飛差池其羽

〔晉傳咸鸛賦曰鸛鸛于飛差池其羽何詩人之是興信  
進止之有序〕

案太平御覽九百二十二引詩文同

瞻望不及○〔後漢書十上注〕詩曰瞻望不及泣涕如雨

案文選注二

曹子建上書  
躬應詔詩表

引詩弗及亦作不及

竚立以泣○〔楚詞注二〕詩云竚立以泣

案毛詩釋文本作竚正義本作佇楚詞大司命注引  
作竚立離騷注引作佇立云佇立貌玉篇人部引詩  
亦作佇立云佇久也

寔勞我心。○毛詩釋文實是也。本亦作寔。

仲氏任只。○毛詩箋任者以恩相親信也。周禮六行孝友。

睦婣任恤。

案毛傳任大也。釋文任入林反。沈云鄭而鳩反。段玉裁曰傳作壬箋改從任。

其心塞淵。○徐鍇說文繫傳心部詩曰其心塞泉。今皆作塞借也。

案塞玉篇作塞。毛詩正義曰定本傳任大之下云塞。瘞也。俗本塞實也。釋文曰塞瘞於例反。崔集注本作實。喬樅謂作實者是也。詩字本作塞。說文塞訓實也。

若訓爲瘞則義不可通矣。一曰瘞字疑塞之譌。塞或作塞。見集韻傳云。塞塞此以今文釋古文如甲狎也。干扞也之類。塞瘞形相近。轉寫遂譌作瘞耳。淵字作泉。此唐人避諱改也。

以畜寡人。○禮記坊記詩云先君之思以畜寡人。注畜孝也。

〔列女傳〕詩曰先君之思以畜寡人

案畜毛詩作勗說詳齊魯詩攷

日月

日居月諸。○集韻九魚。諸月行也。詩曰日居月諸。通作諸。

案司馬光類篇千部云猪月行也詩曰日居月諸與集韻所引同皆據三家之異文也

甯不我顧○毛詩釋文顧本又作顧

案顧者玉篇云俗顧字

逝不相好○毛詩釋文好呼報反注同王崔申毛如字報我不術○毛詩釋文述本亦作術

案術與述通說詳韓詩攷

報我不適○爾雅釋訓不適不蹟也

案爾雅釋文云適古述字詩小雅沔水篇念彼不蹟毛傳云不蹟不循道也述通術文異而義竝同



終風

終風且暴。○毛詩釋文終風韓詩云西風也

案爾雅釋天西風謂之泰風胡承珙曰終之與西殊不相涉疑韓詩本作泰風故依爾雅釋爲西風泰古文作𠂔終古文作𠂔形近易溷說詳韓詩攷

終風且漚。○說文水部漚疾雨也一曰沫也一曰漚實也詩曰終風且漚

案毛詩作暴許所據詩作漚是三家今文也

謔浪笑敖。○毛詩釋文笑本又作咲俗字也

謔浪笑傲。○藝文類聚十九毛詩曰謔浪笑傲

案今詩作敖太平御覽三百九十一四百六十六引詩並作笑傲

惠然有來○〔玉篇月部〕詩曰惠然有來有可也今作肯案據玉篇則有乃本字也故重文肯下云同上

願言則嚏○〔毛詩箋〕寔讀爲不敢嚏咳之嚏

案太平御覽三百八十七引詩作願言則嚏從鄭收讀也

願言則逮○〔毛詩釋文〕逮本又作嚏又作寔劫也鄭作嚏案毛傳寔劫也釋文劫居業反本又作路音同又渠業反孫毓同崔云毛訓逮爲坎今俗人云欠欠坎坎

是也不作劫字人體倦則伸志倦則欬案音卽據反  
玉篇云欬欠張口也正義本作跲引王肅云願以母  
道往加之則噎跲而不行跲與劫音義同也

願言卽噎○衆經音義上蒼頡篇曰噎噴鼻也詩曰願言  
卽噎

案衆經音義十四引同又卷十五引詩作願言卽噎  
盧文弨曰疑走爲寔之誤噎爲噎之誤毛本作寔鄭  
讀作噎而今正文卽作噎乃後來之失非別有作走  
與噎也此陸氏不審而誤出之耳衆經音義引詩卽  
作噎字亦誤

三  
壇壇其陰○呂祖謙讀詩記韓詩章句曰壇壇其陰天陰  
塵也

〔說文土部〕壇天陰塵也詩曰壇壇其陰從土壹聲

案此與韓詩文同許氏所據三家今文也毛詩作臚  
臚說詳韓詩攷

擊鼓

擊鼓其鼙○〔說文鼓部〕鼙鼓聲也從鼓堂聲詩曰擊鼓其  
鼙

案說文金部云鐃金鼓之聲從金堂聲詩曰擊鼓其  
鐃所傳詩與毛氏文同則此鼙字是三家之文

死生挈關。毛詩釋文契本亦作挈同苦結反關苦活反  
韓詩云約束也

案毛傳云契關勤苦也與韓義異說詳韓詩攷

于嗟詢兮不我信兮。毛詩釋文洵違也木或作詢誤也  
信毛音申案信卽古仰字也鄭如字相親信也

案鄭讀信如字則洵當從言作詢與下文信字相應  
非誤字也蓋鄭所據本作詢字

于嗟負兮。毛詩釋文洵韓詩作負負亦違也

高誘昌覽盡數篇注負大也違也負讀如詩于嗟負兮  
案此與韓詩合是三家今文皆作負字

凱風

凱風自南。爾雅釋天注詩曰凱風自南

案爾雅釋文云凱又作凱是爾雅本作南風謂之凱風郭注引詩亦當作凱凱凱古今字之異玉篇風部颺南風也亦作凱又重文凱云同上

簡簡黃鳥。太平御覽九百二十三韓詩曰簡簡黃鳥載好其音

案毛詩作覲覲黃鳥韓詩文與毛氏異說詳韓詩攷又玉篇目部覲目出貌詩云覲覲黃鳥出目貌義與毛鄭異蓋亦據三家詩之說

育子七人○〔白帖〕二十五詩曰育子七人莫慰母心

案臧庸據白帖本作育子喬樅所見白帖本則作有子七人莫慰我心疑育字卽有之譌我字亦母之誤

雄雉

洩洩其羽○〔唐石經〕泄泄作洩洩

案泄洩字同見玉篇

自貽伊阻○〔毛詩釋文〕貽本亦作詒

案正義本作詒

自貽繫阻○〔毛詩箋〕伊當作繫繫猶是也

案伊繫音同古多相假借用之詳見鄭箋改字說

遙遙我思。○〔劉向說苑辨物篇〕詩曰瞻彼日月遙遙我思

案毛詩作悠悠劉向所引據魯詩文

也有苦葉○〔周禮壺涿氏注〕杜子春讀汜爲苞有苦葉之苞

案毛詩作匏苞者匏之假借字

深則硤 深則漚○〔說文〕水部硤從水石詩曰深則硤重  
文漚云硤或從漚

案據說文則硤爲正字漚其或體也玉篇水部硤下  
云水深至心曰硤今作漚漚字卽漚之消借爾雅釋  
文云漚本或作漚說詳魯齊詩攷



濟盈不濡軌。毛詩釋文軌舊讀美反謂車轄頭也依傳  
意宜音犯案說文軌車轍也從車九聲龜美反軌車軾  
前也從車儿聲音犯車轄頭所謂軌也和亂故具論之  
案戴震云軌與牡不協當爲車轍之軌古音讀如九  
與牡韵

嘒嘒鳴雁。爾雅釋詁疏邶風匏有苦葉云嘒嘒鳴雁  
案毛詩作雝雝邢疏引詩與毛氏文異蓋據舊注所  
引三家今文也

雍雍鳴鴈。鹽鐵論結和篇詩云雍雍鳴鴈旭日始旦  
案鴈卽鴝鵒與雁字同知來鳥也說詳齊詩攷一曰

鴈卽鴈也禽經云鴈以水言自北而南鴈以山言自南而北張華註鴈並音鴈鴈隨陽鳥也冬適南方集於江干故字從干鴈中春寒盡鴈始北向燕代尙寒猶集山陸岸谷間故字從斤開元五經文字鴈又音岸則鴈卽鴈字無疑矣

嗢嗢鳴雁○太平御覽三詩曰嗢嗢鳴雁旭日始旦案洪興祖楚詞補注八引詩文同

邕邕鳴鴈○事類賦十九詩曰邕邕鳴鴈旭日始旦案邕卽嗢之消借鴈雁字同唐石經作雍雍鳴鴈凡詩經雍字石經皆作雍

煦日始旦。文選注五十五陸士衡薛君韓詩章句曰煦暖也

案毛詩作旭日與韓文異

盱日始旦。陸德明易象卦釋文盱姚信作盱云日始出也引詩盱日始旦

案盱字蓋盱之譌說詳韓詩攷

人涉仰否。毛詩釋文印五郎反我也本或作仰音同印頤我友。爾雅釋詁疏邶風邈有華葉云印頤我友案毛詩作須字須頤古今文之異

谷風

儻勉同心。○毛詩釋文。原本亦作儻。

密勿同心。○文選注三十九。

傳季友爲宋公求加贈劉將軍表注。

韓詩曰密

勿同心不宜有怒密勿儻勉也。

案此與毛詩文異儻勉。密勿。強沒皆以聲近通。

假說詳韓詩攷。

儻勉同心。○太平御覽五百四十一國風曰儻勉同心。

案白帖十七引亦作儻勉同心。

無以下禮。○韓詩外傳九詩曰采芣無以下禮。

案王氏詩攷所引如此今本外傳引詩禮仍作體蓋

後人依毛詩改之說詳韓詩攷。

中心有違。〔毛詩釋文〕違如字韓詩云違很也

案馬瑞辰云韓詩蓋以違爲悖之假借故訓爲很很亦恨也說詳韓詩攷

不遠伊爾。〔呂覽孟春紀〕注詩云不遠伊爾薄送我畿

案毛詩作伊邇爾者邇之消借字

燕爾新婚。〔毛詩釋文〕宴本又作燕

案詩經考文足利本正作燕宴燕古書每相通用列女傳二引詩作讌爾新婚讌卽燕字亦與醺通

燕爾新婚。〔班固〕白虎通嫁娶篇詩曰燕爾新婚

案此引詩宴作燕與釋文云又作本合昏作婚與列

女傳合

湜湜其止。○說文水部湜水清底見也從水是聲詩曰湜湜其止。

案毛詩作汙許君所據是三家之異文

玉篇水部湜水清也詩曰湜湜其止

案白帖七引詩亦作湜湜其止與說文玉篇同

讌爾新婚。○列女傳二詩曰讌爾新婚不我屑以不我屑已。○趙岐孟子章句三詩云不我屑已

案毛詩已作以已以古字通用

無發我笄。○毛詩釋文無發我笄韓詩云發亂也

案無正義本作毋韓詩以發字訓亂是讀發爲撥字  
說詳韓詩攷

我今不閱皇恤我後○禮記表記國風曰我今不閱皇恤  
我後鄭注言我尙恐不能自容何暇憂我之後人乎

案毛詩今作躬皇作過與此文吳說詳齊詩攷

渙其深矣○說文水部渙新也從水旱聲繫傳曰按詩渙  
其深矣又新臺有渙本皆如此字

案毛詩就其深矣徐錯引詩就字作渙蓋據三家異  
文也

龜俛求之○文選注十七

陸士衡文賦注

毛詩曰何有何無龜俛

求之

案文選三十八殷仲文解尚書表注引詩同

扶服救之。禮記檀弓王詩云凡民有喪扶服救之

案禮記釋文扶服本又作匍匐此轉寫者從毛詩改之說詳齊詩攷盧文弨曰家語論禮篇又引作扶伏扶服揅之。漢書谷永疏詩云凡民有喪扶服揅之

案揅字卽救之通假

能不我愾。說文心部愾起也從心齊聲詩曰能不我愾案呂東萊讀詩記董氏曰孫毓王肅詩並同毛詩正義曰不我能愾當倒之云不能愾我毛傳愾養也鄭



箋情驕也正義曰徧檢諸本皆云情養孫毓引傳云情興非也爾雅不訓情爲驕山養之以至於驕故箋訓爲驕今攷毛詩釋文云情許六反毛興也說文起也是釋文本毛傳作情興與孫毓本同興起義亦相近與說文訓合蓋孔陸所據本各異耳

賈庸不售○〔易〕林小畜之蠱賈庸不售讐因爲害

案庸毛詩作用庸用古通音義竝同

賈用不讐○唐石經初刻作讐

案唐石經售字磨改錢大昕唐石經考異云蓋本作讐段玉裁曰讐正字售俗字史記漢書尙多用讐阮

氏毛詩校勘記云今攷釋文售布救反是釋文本作  
售石經磨改所從也韓詩亦作售見太平御覽

昔育恐育誨○〔毛詩釋文〕鞠本亦作誨

案玉篇言部誨窮也誨蓋鞠之或體鞠與誨同今詩  
多作鞠同音通假字也臧庸云唐石經作鞠又詩鞠  
爲茂草鞠哉寔正鞠人枝祇唐石經皆作鞠又蜀石  
經作昔育恐鞠鞠上無育字

我有旨蓄○〔毛詩釋文〕蓄本亦作畜

案畜者蓄之古文消借字

亦以禦冬○〔毛詩釋文〕類聚八十一〔毛詩〕曰我有旨蓄亦以禦

冬

案白帖八十一事類賦五引詩文同惟白帖十六引詩作可以禦冬可字乃轉寫之譌又攷毛詩釋文云御冬魚據反下同禦也是御字乃禦之沾借

以我禦窮○毛詩釋文御窮一本卽用禦字

既詒我勛○毛詩釋文肄爾雅作勛

案正義引孫炎爾雅注勛習事之勞也證毛傳肄勞之義是三家今文有作勛字者爾雅釋文勛字或作勛亦作肄作肄者後人從毛詩改之也

式微

胡爲乎中路。○列女傳四詩曰微君之故胡爲乎中路

案中路毛詩作中露傳以中露與泥中俱爲衛邑

整邱。○毛詩釋文前品後下曰旄邱字林作整云整邱也

山部又有整字亦云整邱

案旄卽整之音近似借字呂忱字林所據整邱整邱

皆本三家詩異文

旄北。○毛詩釋文旄邱或作古北字

案臧庸云廣雅與爾雅釋文俱作古北字

必有似也。○儀禮特牲饋食注以讀如何其久也必有似

也之似

案毛詩作以說詳齊詩攷

狐裘蒙茸○毛詩小戎正義左傳及旃邛言狐裘蒙茸皆  
旃蒙同音

案左傳本作旃茸毛詩本作蒙戎詩釋文云蒙如字  
徐式邦反戎如字徐而容反案徐此音是依左傳讀  
作旃茸字

璫兮尾兮○毛詩釋文璫依字作瑱

案正義本作瑱字毛傳云瑱尾少好之貌又小雅瑱  
瑱姻嬀毛傳云瑱瑱小貌瑱尾訓爲少好是尾者妮  
之古文消借字

鵲離之子。○〔毛詩釋文〕流音留本又作鵲

留離之子。○〔爾雅釋鳥〕注鵲鵲猶留離詩所謂留離之子

案爾雅釋文云詩字如此或作鵲離後人改耳

裋如充耳。○〔毛詩釋文〕裋本亦作裋

案阮氏釋文校勘記裋字誤也當作裋六經正義云  
木亦作裋中從山或作裋從巨從日誤攷羣經音辨  
衣部云裋盛服也集韻四十九行載裋裋二形云或  
從山皆可證也

簡分。○〔毛詩釋文〕簡字從竹或作簡是草名非也  
碩人冠冠。○〔毛詩釋文〕俱似韓詩作冠冠云美貌

案扈卽俱之音近似借字說詳韓詩攷

左手執龠○玉篇龠部詩云左手執龠今作龠

樂毛詩作龠龠龠古今文之異耳攷說文云龠樂之  
竹管三孔以和衆聲也從龠龠理也徐鍇繫傳云  
按詩左手執龠傳云三孔笛也詩曰於論鼓鐘是樂  
有倫理也據此則毛詩古文字當本作龠龠以和衆  
聲故和字古文作龠左傳云如樂之龠是也諸古文  
亦作龠虞書曰八音克龠是也龠字說文訓書僅竹  
笛也與龠義別古書或假借爲管龠字後人遂因之  
以龠爲樂龠字以龠爲龠合字

赫如屋赭○隸釋脩堯廟碑赫如屋赭

案屋字蓋渥之滑借

泉水

祕彼泉水○毛詩釋文瑟韓詩作祕

案篇海祕壁吉反韓詩云祕刺也韓詩蓋以祕爲泌之假借說詳韓詩攷

泌彼泉水○說文目部眦直視也從目直聲讀若詩云泌彼泉水

眦彼泉水○毛詩釋文瑟說文作眦云直視也

案詩攷眦彼泉水下亦引說文云眦直視也今攷說



文恥讀若詩云泌彼泉水非謂從目作恥也而陸氏詩釋文王氏詩攷竝云說文作恥彼泉水豈所據說文古本泌字作恥無讀若二字耶

出宿于濟飲餞于泥○儀禮士虞禮注詩云出宿于濟飲餞于泥

案文選注二十

顏延年應詔  
譙曲水作詩

二十八

陸士衡  
挽歌注

初學記

十八白帖三十四太平御覽四百八十九引詩竝作于濟毛詩濟作沛泥作彌攷儀禮釋文云于彌音乃禮反又載劉昌宗本作泥音同說詳齊詩攷

飲餞于泥○毛詩釋文彌地名韓詩作坻音同

案爾雅泥卽釋文云本又作坭是泥坭字同說詳輶

詩攷

載脂載轄○文選注二十四

潘正叔贈陸機出爲吳王郎中令詩

毛詩曰載

脂載轄還車言通

案轄今毛詩作輶轄與輶同說文輶車軸前鍵也兩

穿相背轄車聲也一曰鍵也左傳昭二十五年昭子

賦車轄今小雅詩作輶

不瑕有害○毛詩箋瑕猶過也害何也

案瑕毛傳訓遠也是以瑕字爲遐之假借害釋文云

毛如字鄭音曷何也害曷古書多通假用之葛覃害

澣害否傳云害何也孟子梁惠王篇引湯誓曰時日  
害喪今尙書湯誓篇作時日曷喪

我思淝泉○毛詩釋文肥字或作淝音同

案肥者淝之古文消借字

思須與曹○酈道元水經注凡潏渠又逕須成北詩思須  
與曹是也

案曹毛詩作漕擊鼓詩土國城漕載馳詩言至於漕  
皆作漕字定之方中序曰野處漕邑左傳閔二年立  
戴公以廬於曹作曹字杜注云曹衛下邑也

北門

憂心慙慙○毛詩釋文殷本又作慙

案說文繫傳心部慙下錯曰按詩憂心殷殷本作此

慙字

憂心隱隱○楚詞注十六詩云憂心殷殷一本作隱隱

案毛詩釋文殷又音隱

室人交徧適我○孟子章句七適過也詩曰室人交徧適

我

案適毛詩作譚譚古通用字說詳魯詩攷

亦已焉哉○韓詩外傳一詩曰亦已焉哉天實爲之謂之

何哉

案外傳一三引此詩皆作亦已焉哉毛詩無亦字

王事敦我○毛詩箋敦猶投擲也

案釋文云敦毛如字厚也鄭都回反投擲也

毛詩釋文韓詩云敦迫也

案此與毛鄭義並異說詳韓詩攷

室人交徧謹我○毛詩釋文擢韓詩作謹音于佳子佳二反就也

案鄭箋云擢者刺譏之言卽用韓詩謹字訓義說詳韓詩攷

室人交徧催我○毛詩釋文擢沮也或作催音同

說文人部催相摶也從人崔聲詩曰室人交徧催我

案許君所據詩作催字與或作本合

北風

雨雪其漚○郭璞穆天子傳注二詩曰北風其涼雨雪其  
漚

案廣韻十遇亦引詩雨雪其漚又義文類聚二韓鄂  
歲華紀麗四引詩作漚

雨雪其滂○太平御覽三十四詩曰雨雪其滂

案毛詩作霏此引又作滂皆漚之異文也  
其虛其徐○毛詩箋邪讀如徐

案邪者徐之音近假借字詳見鄭箋改字說

爾雅釋訓其虛其徐威儀容止也

班固幽通賦曹大家注虛徐狐疑也詩曰其虛其徐

案據此知三家今文並作徐字說詳魯齊詩攷

雨雪霏霏○列女傳六詩云北風其喑雨雪霏霏

案毛詩作雨雪其霏說詳魯詩攷

靜女

靜女其娈○說文女部娈好也從女爻聲詩曰靜女其娈

靜女其秣○說文衣部秣好佳也從衣朱聲詩曰靜女其

秣

案說文裳下又云一日讀若靜女其祿之祿攷毛詩作姝許君所據姁祿皆三家詩異文也

俟我乎城隅○說苑辨物篇詩曰俟我乎城隅

俟我于城隅○文選注二十四曹子建贈丁翼詩毛詩曰俟我于

城隅

案今毛詩作於于於古字通用

儂而不見○說文人部儂彷彿也從人愛聲詩曰儂而不見

案儂毛詩作愛箋云謂愛之而不往見義與此異許君所據蓋齊詩之文說詳齊詩攷



夔而不見。○郭璞方言注詩曰夔而不見

案爾雅釋言夔隱也郭璞注曰見詩是魯詩文作夔

夔優古字通用

搔首躊躇。○文選注十五張衡思元賦韓詩曰愛而不見搔首

躊躇薛君曰躊躇躑躅也

案今本韓詩外傳引詩作踟躕非是說詳韓詩攷文

選注十八稽康琴賦引作躊躇猶躑躅也

搔首躊躇。○說文繫傳足部踟下詩云搔首躊躇

案說文云踟躊躇不前也躊躇躊躇古以音同通用

楚金所據詩亦三家之異文

詒我彤管。〔毛詩釋文〕貽本又作詒

〔後漢書皇后紀注〕詩云詒我彤管

悅懌女美。〔毛詩釋文〕說本又作悅

案白帖二十太平御覽六百五引詩竝作悅懌

說釋女美。〔毛詩箋〕說懌當作說釋

案釋文說懌毛王上音悅下音亦鄭說音始悅反懌

作釋始亦反鄭君以此句承上彤管言故以說釋爲

訓說文言部云說說釋也卽本此詩許鄭蓋皆據三

家之文

詢美且異。〔毛詩釋文〕詢本亦作詢

新臺

新臺有玼○說文玉部玼玉色鮮也從玉此聲詩曰新臺有玼

案毛詩釋文云泚音此徐又七禮反說文作玼云新色鮮也與今本說文訓微異段玉裁曰說文玉上當有新字玼本新玉色引伸爲凡新色如玼兮玼兮言衣之鮮盛新臺有玼言臺之鮮明韻會引作玉色鮮絜也

河水泔泔○漢書地理志邶詩曰河水泔泔

案顏師古所據本作洋洋師古曰今邶詩無此句盧

文昭曰洋洋乃泮泮之譌字從水辛聲卽河水瀾瀾也說詳齊詩攷

嬾婉之求○〔文選注〕〔張平子〕韓詩曰嬾婉之求嬾婉好貌

案玉篇女部引詩亦作嬾婉從韓詩也毛詩作燕者古文消借字

嬾婉之求○〔說文〕目部睽目相戲從目𡇗聲詩曰睽婉之求

案說文引詩與毛韓字異蓋據魯齊詩之文

籛籛不鮮○〔毛詩釋文〕鮮斯踐反王少也依鄭又音仙

案鮮字毛傳無訓鄭箋云鮮善也王肅述毛訓鮮爲少與鄭義異

新臺有濯○毛詩釋文洒七罪反高峻也韓詩作濯音同云鮮貌

案馬瑞辰云濯與澤同見玉篇洒通作濯者異部假借也說詳韓詩攷

新臺有濯○說文繫傳水部澤下云按詩新臺有濯本皆作澤字

案詩小雅有濯者淵釋文云濯本或爲萃萃卽澤之消借濯澤又澤之通假澤亦作濯玉篇澤清也集韻

云泥同澤

河水泥泥○毛詩釋文浼浼韓詩作泥泥音尾云盛貌

案浼泥一聲之轉說詳韓詩攷

鑊條不腆○毛詩箋殄當作腆腆善也

案正義云殄與腆古今字之異詳見鄭箋改字說

得此餽餽○說文皿部餽餽膚諸也詩曰得此餽餽言其

行餽餽

案餽餽戚施以音近相轉說詳齊詩攷又爾雅釋文

云戚施字書作頽頽按未卽從戚省它卽從施省古

從每從也字皆與從它通如他佗迤迤迤等字可證

也

二子乘舟

不取有害。毛詩箋瑕猶過也。於行無過差有何不可而不去也。

案毛傳云言二子之不違害訓瑕害與泉水篇同釋文云害毛如字鄭音曷何也與毛氏義異

鄘風柏舟

泛彼柏舟○白帖六詩泛彼柏舟在彼中河

案泛毛詩作汎汎音同義同

仇彼兩髦○毛詩釋文髦本又作仇髦說文作髦

案足利本正作仇字

統彼兩髦○說文髟部髣髮至眉也從髟敕聲詩曰統彼兩髦或省作髦

案說文云統冠冕塞耳者臣鉉等曰今俗別作髦非  
髦通作髦詩小雅如蠻如髦傳云髦夷髦也箋云髦  
西夷別名武王伐紂其等有八國從焉正義云牧誓



曰及庸蜀羌髡微盧彭濮人彼髡此髦音義同也釋  
文云髦舊音毛尋毛鄭之意當與尙書同音莫侯反  
之死矢靡他○列女傳八詩曰之死矢靡他

案他毛詩作它釋文云它音他

之死矢靡他○文選注十六潘安仁寡婦賦柏舟詩曰之死矢靡  
佗

案佗字古與他通

不涼人只○毛詩釋文亮本亦作諒

案正義本作諒說文繫傳引詩亦作不諒人只  
不涼人只○太平御覽四百三十九詩曰不涼人只

案涼與諒通詩大明涼彼武王釋文云涼本亦作諒  
韓詩作亮

實惟我直○〔毛詩釋文〕特如字韓詩作直云相當值也  
案特字古與值通直義亦與值特同說詳韓詩攷  
牆有薺○說文草部薺薺藜也從草齊聲詩曰牆有薺  
案薺毛詩作茨說文所據詩三家今文也

不可掃也○周官媒氏注詩曰牆有茨不可掃也

案白帖十一太平御覽九百九十七引詩文同毛詩  
作埽字從土

中造之言○〔毛詩釋文〕舊本又作造

中箚之言。○玉篇山部箚夜也。詩曰中箚之言中夜之言也。字又作菁。

案以中箚爲中夜。魯詩說並同。與毛鄭訓異。不可揚也。○毛詩釋文詳如字。韓詩作揚。揚猶道也。

案詳與揚同音。假借字說見韓詩攷。

君子偕老

裒裒佻佻。○爾雅釋訓。裒裒佻佻。美也。舍人注。裒裒者心之美。詩云裒裒佻佻。

案毛詩委委佻佻。昌氏讀詩記引釋文作委委他他。裒裒它它。○爾雅釋文佻本作它。字顧舍人引詩釋云裒。

禕它它如山如河

案此卽顧野王爾雅音也說詳魯詩攷

透透佗佗。○衆經音義三十九韓詩曰透佗德之美貌也  
案毛詩釋文引韓詩曰佗佗德之美貌說詳韓詩攷  
委委蛇蛇。○太平御覽六百九十五詩曰委委蛇蛇象服是  
宜

案事類賦十三引詩文同

嗟兮嗟兮其之翟也。○毛詩釋文玼音此沈云毛及呂忱  
竝作玼解王肅云顏色衣服鮮明貌本或作嗟此是後  
文嗟兮王肅注好美衣服潔白之貌若與此同不容重

出今檢王肅本後不釋不如沈所言也然舊本皆前作  
玼後作瑳字

案說文玉部瑳玉色鮮白玼玉色鮮也詩云新臺有  
玼玉篇玉部瑳玉色鮮白也詩傳曰瑳巧笑貌皆不  
引此詩阮氏詩經校勘記曰段玉裁云玼一作瑳後  
人乃分別二章三章今攷陸氏之意不以沈爲然但  
舊本皆爾故不定爲一字周禮內司服釋文玼音此  
劉翁我反本亦作瑳與下瑳字同翁我反此玼瑳一  
字之證

三髮如雲。說文三部三稠髮也從彡從人詩曰三髮如

雲重文鬢云參或從彤真聲

案今毛詩作鬢郭忠恕汗簡上云古毛詩作參

不肩鬢也。周禮追師注詩曰鬢髮如雲不肩鬢也

案鬢毛詩作鬢說文彤部云鬢髮也從彤易聲重文  
鬢云鬢或作鬢是鬢字乃鬢之或體徐鉉繫傳引詩  
正作鬢字

玉之瑱兮。說文玉部瑱以玉充耳也從玉真聲詩曰玉  
之瑱兮重文則云瑱或從耳

案毛詩兮字作也著詩正義引孫毓云案禮之名充  
耳卽所謂瑱故曰玉之瑱兮是孫毓所據詩本亦作

兮字與說文引詩合

玉之𠂔也。玉篇耳部詩云玉之𠂔也。𠂔充耳也。𠂔亦作

𠂔。木亦作𠂔。

案𠂔字乃三家詩之異文。說詳韓詩攷

胡然如天也。胡然如帝也。足利本而字皆作如

案臧庸云傳箋亦作如字。解古而如通

其之禮也。毛詩箋展字誤。禮記作禮

案周官內司服注云展字當爲禮。禮之言宜。宜誠也

詳見鄭箋改字說

是褻裨也。說文衣部褻私服從衣。執聲。詩曰是褻裨也

案說文衿下云無色也從衣半聲一曰詩曰是繼衿也讀若普文與毛詩同則此所據褻字是三家之異文也唐石經繼字作緹太平御覽四百十九引詩作是繼紕也

揚且言也○足利本且下無之字

邦之援也○毛詩釋文媛韓詩作援援取也

案許烺云爾雅美女爲媛孫炎注云君子之援助此詩釋文援取也取字乃助之譌說詳韓詩攷

邦之媛兮○說文女部媛美女也人所援也從女從爰爰引也詩曰邦之媛兮



案兮字毛詩作也

鶉之賁賁。○昌覽堂行篇注賁色不純也詩曰鶉之賁賁  
案左傳襄二十七年伯有賦鶉之賁賁與昌覽所引  
文同毛詩作奔奔釋文引韓詩云奔奔驅驅乘匹之  
貌則韓亦與毛同作奔矣說詳魯詩攷

人而無良我以爲兄。○韓詩外傳九詩曰人而無良我以  
爲兄

案此據詩攷所引外傳文今本外傳而字仍作之與  
毛詩文同蓋後人依毛改之耳

鶉之姜姜鶉之賁賁。○禮記表記詩云鶉之姜姜鶉之賁

賁鄭注姜姜賁賁爭門惡貌也

案此與毛詩文異鄭注釋姜姜賁賁亦與魯韓毛義異知所據爲齊詩之說

定之方中

作爲楚宮 作爲楚室○文選魏都賦劉淵林注詩云定之方中作爲楚宮揆之以日作爲楚室

案李善文選注十二

王文考魯靈光殿賦

又三十

謝朓和伏武昌登孫權故

城又三十一

江文通雜體詩

又五十九

王簡栖頭陀寺碑文注

引詩同

又白帖三十八太平御覽一百七十三引詩于字亦皆作爲及儀禮士冠禮鄭注云于猶爲也是于本有

爲義

升彼墟矣○毛詩釋文虛本或作墟

水經注八濟水北逕楚城西卽詩所謂升彼墟矣以望楚矣

案此與釋文或作本合

終然允臧○隸釋漢白石神君碑卜云其吉終然允臧

蔡邕集隗夫人誄終然允臧

案今毛詩然作焉攷晉書樂志上荀勗食舉樂東西箱歌亦作終然允臧唐石經同虛文昭曰詩本作終然今本作終焉誤也此足以證今本之異臧庸曰文

選六魏都賦劉注又李善文選注三東京賦又三十謝

和伏武昌登孫權故城詩又宋本爾雅釋詁疏又太平御覽七百

二十五引詩並作然字案正義云終然信善其明證也

說于桑田。〔毛詩釋文〕說毛始銳反舍也鄭如字辭說也  
稅于桑田。〔藝文類聚八十八〕詩曰星言夙駕稅于桑田  
案太平御覽九百五十五引此詩一語說亦作稅

蠨蛸

蠨蛸在東。〔蔡邕月令章句〕詩云蠨蛸在東

〔呂覽季春紀注〕虹蠨蛸也詩曰蠨蛸在東莫之敢指

案據此知魯詩文作蟬螻與毛韓作螻螻者異

朝躋于西。李氏易傳二荀爽注詩云朝躋于西崇朝其

雨

案躋毛詩作躋臧庸云說文躋升也無躋字凡經典

躋字俱當作躋說詳齊詩攷

乃如之人兮。列女傳七詩云乃如之人兮懷婚姻也

說苑辨物篇詩云乃如之人兮懷婚姻也

韓詩外傳二詩曰乃如之人兮懷婚姻也

案兮毛詩作也與魯韓詩文異

相鼠

人而亾儀。○漢書五行志申之上。劉向引詩曰人而亾儀  
不死何爲

案亾毛詩作無亾無古通川

不死胡爲。○太平御覽四百五十七。白虎通曰詩曰人而  
無儀不死胡爲

案胡毛詩作何御覽所引白虎通與今本不同

不死胡俟。○列女傳七。詩曰人而無禮不死胡俟

案毛詩作何俟據白虎通及列女傳所引知魯詩文  
皆作胡字又禮字疑止之誤

何不遄死。○更記商君傳詩曰人而無禮何不遄死

案此章何字毛韓詩並作胡說詳魯詩攷

竿旄○家語好生篇竿旄之忠告至矣哉

案左氏定九年云竿旄何以告之忠也于旄亦作竿  
字毛詩作干者古文之消借

何以與之○王充論衡率性篇詩曰彼姝者子何以與之  
案毛詩與作予與予古字通用

素絲屬之○毛詩箋視當作屬屬著也

案古音祝屬同毛傳云祝織也與上章紕之組之同  
意鄭君讀祝爲屬訓屬爲著著猶注也爾雅曰注旄  
首曰旌李巡注云旄牛尾著于首孫炎注云析五采

羽注旒上也其下亦有旒繆是已

載馳

載馳載驅。毛詩釋文驅字亦作驅如字協韻亦音耶言至于曹。列女傳三詩云驅馬悠悠言至于曹

案曹毛詩作漕左傳作曹字

大夫輶涉。賈公彥儀禮助禮疏邠詩曰大夫輶涉我心則憂

案輶毛韓詩竝作跋輶字乃跋之通假

視我不臧。韓詩外傳二詩曰視我不臧我思不遠

案視我毛詩作視爾與韓詩文異



言采其蔕。高誘淮南汜論訓注詩云言采其蔕

案毛詩蔕作蕪乃假借字說文繫傳蔕下云錯按許  
穆公夫人思歸衛不得而作詩曰言采其蔕也與高  
誘所引詩文同

言採其蠶。太平御覽九百九十二毛詩曰陟彼阿丘言  
採其蠶

案此亦毛詩之異文

許人訖之粃稚且狂。毛詩釋文尤本亦作訖穉本又作  
稚

案尤卽訖之消借稚與穉同字本作穉說文穉幼禾

也今以凡人物幼小者通稱曰穉

又案毛詩載馳五章一章六句二章四句一章六句  
一章八句今攷左傳文十三年子家賦載馳之四章  
襄十九年穆叔見叔向賦載馳之四章杜注云載馳  
四章曰控于大邦誰因誰極取其欲引大國以自救  
助今毛詩此句在五章疑三家詩必有以載馳分作  
四章者首章六句次章八句三章六句四章八句與  
毛本不同

衛風淇澳。杜預左傳昭二年注淇澳衛風美武公也。

徐幹中論修本篇衛武公年過九十猶夙夜不怠思聞訓道衛人誦其德爲賦淇澳。

瞻彼淇澳萋竹猗猗。禮記大學詩云瞻彼淇澳萋竹猗猗。

案禮記釋文云澳本亦作奧又作喚攷水經注十三文選魏都賦劉涓子注引詩竝作淇澳毛詩澳作奧。莖作猗與三家今文異說詳魯齊詩攷。

水經十淇水注詩云瞻彼淇澳萋竹猗猗。

案酈道元水經注云肥泉博物志謂之澳水詩淇澳。

毛云澳隈也鄭亦不以爲津源而張司空專以爲水流于淇非所究也據茂先語以澳爲水名當亦本之三家異義詩釋文引草木疏云奧亦水名

爾雅釋草某氏注藁鹿藿也詩曰藁竹猗猗

案孫炎爾雅注引詩文同見毛詩正義

說文草部藁王芻也從草來聲詩曰藁竹猗猗

案爾雅舊注與說文引詩並作藁皆據穆齊之文

豳彼淇澳○爾雅釋邱疏詩衛風云瞻彼淇澳

案澳澳古字通用作奧者沿借字也

綠薊猗猗○毛詩釋文綠王芻也爾雅作藁竹篇竹也韋

詩作蕩云蕩滌筦也石經同

案臧琳以石經爲魯詩非也陸所云石經同訓石經所載韓詩之異文同作蕩字也說詳韓詩攷

有斐君子。毛詩釋文匪本又作斐文貌

案歟經音義九引詩作有斐

禮記大學詩云有斐君子

列女傳八詩云有斐君子

案據此是齊詩並作斐字

有邛君子。毛詩釋文匪韓詩作邛美貌也

案韓詩以美貌釋邛謂君子有美而文也爾雅釋訓

日美士爲彥說文云彥美士有文人所言也韓毛字  
異而訓義並同

如斲如磋○爾雅釋訓如斲如磋道學也

案爾雅釋文云切本或作斲同于結反說文斲斲差  
也讀若切差卽磋之消文切乃斲之假借說詳魯詩  
攷

如切如磋○韓詩外傳三詩曰如切如磋

案外傳九引詩磋字作磋非

禮記大學詩云如切如磋

案禮記釋文本作磋引爾雅云象曰磋正義本作磋

說苑建本篇詩云如切如磋

案毛詩作如切如磋與三家文異衆經音義十引詩亦作磋

如琢如磨○毛詩釋文磨本又作摩

如磨如錯○太平御覽七百六十四韓詩曰如磨如錯

案磨錯當上下互易以諧韻束皙補亡詩粲粲門子如磨如錯卽用韓詩文今外傳本引詩仍作如琢如磨乃後人順毛改之耳

瑟兮摯兮○爾雅釋訓瑟兮摯兮恂慄也

案爾雅釋文倜或作摯摯與倜同見楊倞荀子注說

詳魯詩攷

赫兮宣兮。○毛詩釋文。咺韓詩作宣。宣顯也。

赫兮咺兮。○禮記大學詩云。赫兮咺兮。

赫兮烜兮。○爾雅釋訓。赫兮烜兮。威儀也。

赫兮咺兮。○說文心部。咺。寬嫻心腹貌。從心。宣聲。詩曰。赫

兮咺兮。

案郝懿行云。據說文。則詩本作咺。毛詩假借作咺。韓

詩消文作宣耳。然則烜咺亦皆咺之通假也。

有斐君子。終不可誼兮。○禮記大學詩云。有斐君子。終不

可誼兮。



案禮記釋文誼許袁反詩作謾或作喧音同

爾雅釋訓有斐君子終不可謾兮

列女傳八詩曰有斐君子終不可謾兮

案斐毛詩作匪古文假借字也

綠竹菁菁○毛詩釋文青本或作菁

案毛傳青青茂盛貌青卽菁之消文唐風杕杜其葉

菁菁毛傳菁菁葉盛也釋文云菁本又作青

充耳琇瑩○說文玉部琇石之次玉者從玉琇聲詩曰充

耳琇瑩

案琇毛詩作琇集韻云琇或省作琇

充耳秀瑩。廣韻十二庚瑩玉色詩曰充耳秀瑩

體弁如星。說文骨部體骨撾之可會髮者從骨會聲詩曰體弁如星

案玉篇骨部云體五綵束髮載說文引詩文同毛詩體作會古文消借字說詳魯詩攷

冠弁如星。呂覽上農篇注弁鹿皮冠詩云冠弁如星  
璫弁如星。隋書禮儀志弁之制案五經通義高五寸前  
後玉飾詩曰璫弁如星董巴曰以鹿皮爲之

案此亦皆三家之異文

綠蕩如簪。文選西京賦注韓詩曰綠蕩如簪簪積也薛

君曰簣緣漚盛如積也

案毛韓並訓簣爲積是以簣爲積之假借

倚重較兮○皇侃論語鄉黨篇義疏古人乘路車皆於車中倚立倚立難久故於車箱上安一橫木以手隱憑之謂之爲較詩云倚重較兮是也

案荀子楊倞注文選李善注引詩皆作倚毛詩作倚字蓋倚之同音假借耳

倚重駮兮○說文車部駮車轡上曲鉤也

各本轡誤騎鉤誤銅段玉裁注

據李善文選西京賦七啟二注訂正

從車交聲繫傳曰按古今注車駮車

耳也在車輦上重起如牛角也詩曰倚重較兮

案此所引詩作較當亦出於三家段玉裁曰較之制周與漢異較高於軾高處正方有隅故謂之較較之言角也至漢乃圜之如半月然故許云車轎上曲鉤言句中鉤圜之則亦謂之車耳西京賦云倚金較蒨卿及史記禮書云彌龍以爲養威彌許書作磨解云乘輿金耳也皆謂較爲龍形而飾以金司馬彪輿服志乘輿金薄繆龍爲輿倚較是其義下文公列侯安車倚鹿較然則較辨尊卑自周已然故劉熙釋名曰較在箱上爲華較也又曰重較其較重卿所乘也與毛傳以重較爲卿士之車說合惟較可辜推尊卑故

其引中爲計較之較較古音讀如交在二部今字作較

考槃

考槃在澗○漢書敘傳注詩衛風曰考槃在澗

案毛詩作槃三家今文作盤說詳齊詩攷臧庸曰太平御覽六十九引詩作盤

考槃在干○文選左思吳都賦劉逵注韓詩曰考槃在干地下而黃曰干

案毛詩釋文澗韓詩作干云境埒之處也說詳韓詩攷

永矢不愴。○隸續平輿令薛君碑永矢不愴

案不愴毛詩作弗諼愴者諼之通假如伯兮詩諼草  
木又作營或作諼是其證也

考盤在阿。○文選注四十六

王元長三月三日曲水詩序

毛詩曰考盤

在阿碩人之過

碩人之偁。○毛詩釋文過韓詩作偁偁美貌

案廣韵云偁美也義即本韓詩說詳韓詩攷

考盤在陸。○文選注四十六毛詩曰考盤在陸碩人之軸  
碩人之逐。○爾雅釋詁逐病也邢昺疏考槃云碩人之軸  
鄭箋云軸病也軸與逐蓋古今字

案毛詩釋文軸毛音迺鄭直六反孔氏正義曰傳軸爲迺釋詁云迺進也箋以與陸爲韵宜讀爲逐釋詁云逐病逐與軸蓋古今字異然則鄭君箋詩是據魯詩之訓改毛義也

碩人

碩人碩碩。○玉篇頁部頤詩云碩人頤頤傳頤長貌又頤頤然佳也

案今毛詩作其頤非鄭箋云言莊姜儀表長麗佼好頤頤然又三章碩人敖敖箋云敖敖猶頤頤也則知鄭君所據本文作頤頤矣

衣錦綢衣。○列女傳二詩曰碩人其頤衣錦綢衣

案綢毛詩作褰說詳魯詩攷

衣錦黼衣。○說文黼部黼采屬從黼熒省詩曰衣錦黼衣  
案說文衣部褰黼也詩曰衣錦褰衣示反古從衣耿  
聲是褰與黼古今文之異

衣錦黻衣。○玉應麟困學紀聞五衣錦尚綢尚書大傳作  
尚黻注云黻讀爲綢

案王氏詩攷載衣錦尚黻出尚書大傳盧文弨曰今  
不見有此文字書亦無黻字儀禮士昏禮被纁注纁  
禪也賈疏引詩云褰衣又加景疏亦引衣錦褰衣裳



錦裴裳類與景卽詩之裴字異而義同也喬樅案類  
卽類字轉寫之譌類卽類也禮記釋文綱本又作類  
詩作裴又玉篇纚亦作荷云與纚同廣韵集韵又作  
類竝云與荷同可證也禮記雜記鄭注類草名無葛  
之鄉去麻則用類類篇云類麻屬是裴綱義同類纚  
字同蓋以禪衣無裏言之則爲綱爲裴以用某反古  
言之則爲類爲纚類卽類之消文類荷皆纚之或  
體耳

覃公惟私。百虎通號篇詩曰覃公惟私覃子也

案宗族篇引邢侯之甥覃公惟私文同又朱子儀禮

經傳通解引郭璞爾雅注亦作覃字今木爾雅注仍從毛詩作譚

譚公維么。說文繫傳三十四詩曰譚公維么

案么古文私字說文么部下引韓非曰倉頡造字自營爲么八部公下云八猶背也韓非曰自營爲么背么爲公禾部私下云禾也北齊名禾主人曰私主人是私字不兼公么義今經傳公么字皆作私乃古文假借用之

頤如螭齋。毛詩釋文螭似修反徐音曹齋本亦作螭頤如螭齊。毛詩釋文齋又作齊同音齊沈又音茨

頌如螭螭。蔡邕青衣賦頌如螭螭。

案據此知魯詩文作螭螭與毛文異又高誘淮南汜論訓注槽讀頌如螭螭之螭是高所據詩亦作螭螭皆魯家今文也淮南注螭螭二字疑寫者誤倒當從詩文乙正莊子至樂篇烏足之根爲螭螭釋文云司馬本作螭螭云蜎也與爾雅螭螭蜎訓同毛詩釋文螭下云徐音曹疑徐本或從三家文作螭螭

齒如瓠棲。爾雅釋草瓠棲辨郭注詩云齒如瓠棲

案此據魯詩今文也毛詩作瓠犀傳云瓠犀瓠辨正義曰棲與犀字異音同

顙首蛾眉。說文頁部顙好貌詩所謂顙首

我文類聚十八詩曰螭首蛾眉

案玉篇頁部引詩亦作顙首太平御覽三百八十引  
詩亦作蛾眉段玉裁云螭首毛傳但云顙廣而方不  
言螭爲何物鄭箋乃云螭蜻蜻知毛作顙鄭作螭鄭  
君多據三家改毛又漢書外戚傳蛾而大幸借蛾爲  
蛾此詩蛾眉亦蛾之假借字喬樞謂毛詩古文作顙  
首蛾眉三家今文皆作螭首蛾眉今毛詩本蓋從鄭  
箋改字說詳舊詩攷

巧笑倩兮。毛詩釋文倩本亦作倩韓詩云蒼白也

案韓詩訓倩爲蒼白色疑今文或亦作倩字說詳韓詩攷

稅于農郊。毛詩釋文說本或作稅

文選八上林賦張揖注詩曰稅于農郊

襜于農郊。毛詩箋說當作襜衣服曰襜今俗語然

案毛詩釋文說毛始銳反舍也鄭作襜音延詳見鄭箋改字說

朱幘儼儼。玉篇人部詩云朱幘儼儼盛貌也

案毛詩作鑣鑣與此字異訓同說詳韓詩攷

翟蔽以朝。周禮巾車注詩國風碩人曰翟蔽以朝謂諸

侯夫人始來乘翟蔽之車以朝見於君盛之也

案蔽毛詩作弗傳云夫人以翟羽飾車弗蔽也是字異義同爾雅釋器輿革前謂之輶後謂之第竹前謂之禦後謂之蔽第卽弗也翟弗三家今文有作翟蔽者故鄭君據之

北流活活○說文水部活流聲也或從聒作漑徐鍇繫傳曰按詩曰北流活活

案據此詩知許君所據詩作活活玉篇活下云詩曰北流活活重文活下云說文活漑下云同上

施呂濺濺○說文水部濺濺流也從水戔聲詩曰施呂濺濺

濺

施罟泚泚。說文大部濺空大也從大歲聲讀若詩施罟泚泚

案此句說文引詩凡四見目部云賊讀若詩施罟濺濺网部云罟魚罟也從网仄聲詩曰施罟濺濺兩引詩皆與毛氏文同其作濺與泚者蓋兼採三家異文耳段玉裁曰按釋文不云說文作濺則字從水歲聲引詩濺濺今本作濺濺大繆又歲下引詩濺濺各本或作濺濺或作泚泚皆誤喬樞謂段說非是攷廣韻十三末濺水聲濺同上則濺卽濺之或體又廣雅釋

訓或波流也則波亦濺之異文許氏所據蓋本三家詩文不得均以爲誤字惟幾下引詩作濺濺或涉上文幾字而誤當以作波者爲正

鯁鯁鯁鯁。毛詩釋文發馬云魚著鬣尾發發然韓詩作鯁鯁。

案發卽鯁之古文消借字說詳韓詩攷

鯁鯁濺濺。高誘淮南說山訓注展大罔詩曰施罟濺濺。鯁鯁濺濺是也。

案臧庸云毛詩發發唐石經原刻作濺濺攷高誘注呂覽季春紀引詩亦作濺濺論大覽上農篇俱仍作



發發說詳魯詩攷

鯁鯁鯁鯁。說文魚部鯁下云鯁鯁鯁鯁從魚及聲

案據玉篇土部塏字與坂同則說文所引鯁鯁鯁鯁卽鯁鯁之異文集韻十三末鯁魚游貌或省作鯁亦作鯁又鯁下云說文鯁鯁鯁鯁或作發亦從魚可證也

庶姜黻黻。毛詩釋文。庶。韓詩作黻長貌

呂覽過理篇注詩云庶姜黻黻高長貌也

案黻得與孽通者猶黻字之一作集也說詳魯韓詩攷

庶士有桀。〔毛詩釋文〕揭韓詩作桀云健也

案毛傳揭訓武壯貌與韓字異義同說詳韓詩攷

庶士有揭。〔文選注〕六毛詩曰庶士有揭

案毛詩作揭疑揭字乃揭之譌然據謝靈運詩朝遊  
牛羊下暮坐括揭鳴李善注引毛詩曰雞棲于桀曰  
之夕矣牛羊下括桀與揭音義同則揭揭皆桀之同  
音假借故揭字或亦作揭耳又按玉篇人部偁武貌  
詩曰伯兮偁兮偁毛詩作揭傳訓武貌是偁揭古通  
揭或卽偁之誤

庶

𡩋之蚩蚩。○說文繫傳二十六𡩋下云詩曰𡩋之蚩蚩

案毛傳云氓民也釋文引韓詩云美貌字同而訓異說云氓民也𡩋田民也氓𡩋古通用石經作𡩋

至于敦耶。○爾雅釋耶耶一成爲敦耶

案毛詩作頤耶傳云耶一成爲頤耶作頤者古文之假借爾雅所載皆魯詩今文也說詳魯詩攷

匪我誓期。○毛詩釋文愆字又作誓

案誓古文愆字詩大雅不愆于儀禮記緇衣引作誓

釋文云誓愆同

履無咎言。○毛詩釋文體韓作履履辛也

案毛傳訓體爲卦兆之體與韓詩文異義異

禮記坊記詩曰爾卜爾筮履無咎言鄭注履禮也言女鄉卜筮然後與我爲禮則無咎惡之言矣

案鄭君訓履爲禮義與毛韓又異焦氏易林云氓伯以婚抱布白媒棄禮急情卒罹悔憂其說與鄭君同皆據齊詩之說詳見齊詩攷

吁嗟鳩兮。文選注六十毛詩曰吁嗟鳩兮

案太平御覽九百五十五引詩亦作吁嗟

無谷桑椹。毛詩釋文。椹本又作椹桑實也

案桃文類聚八十六白帖九十五引詩並作椹張參

五經文字云樵詩或體以爲桑甚字

吁嗟女兮○韓詩外傳二詩曰吁嗟女兮無與士耽

案毛詩吁竝作于

無與士耽○爾雅釋詁耽樂也郭璞注云見詩邢昺疏曰  
氓詩云無與士耽

案耽毛詩作耽古文假借字也

漸車幃裳○周禮巾車疏詩曰漸車幃裳

案儀禮士昏禮疏及既夕記疏引詩文同毛詩幃作  
帷傳云帷裳婦人之車也箋云幃裳童容也正義云  
幃裳者以幃障車之傍如裳以爲容飾故或謂之幃

或謂之童容然則三家詩有作幃裳者矣

女也不爽士貳其行○爾雅釋訓晏晏息息悔爽貳也

案貳毛詩作貳段玉裁云貳當爲貳之譌貳音他得反卽貳之借字洪範衍貳史記宋微子世家作衍貳可證也說詳魯詩攷

總角之卯○毛詩釋文宴如字本或作卯者非

案正義曰經有作卯者因甫田總角卯兮而誤也定本作宴今攷周禮夏官序官疏引作卯則實所據詩與顏氏定本不同

信誓旦旦○說文心部恒懣也從心旦聲或從心在旦下

詩曰信誓旦旦

案旦毛詩作且乃旦字之消借爾雅釋文旦本或作  
是作旦者從三家詩今文也說詳魯詩攷

竹竿

遠父母兄弟○荀爽女誡詩曰女子有行遠父母兄弟

案相臺本毛詩同唐石經作遠兄弟父母毛本初刻  
從石經後改從相臺本阮氏校勘記曰案相臺本誤  
也釋文以遠兄二字作音可證樅謂右與母韻若作  
遠父母兄弟於韻不諧宋本朱子集傳及明監本注  
疏葛本詩經均作遠兄弟父母是據釋文本及唐石

經也

佩玉之儺。○太平御覽六百九十二詩曰珮玉之儺

案珮毛詩作佩攷說文佩字從人從凡從巾佩必有巾巾謂之飾大徐注云俗別作珮非

佩玉之那。○太平御覽八百四詩曰巧笑之瑳佩玉之那  
案那毛詩作儺傳云那行有飾度攷說文儺行有飾  
也從毛氏訓義那儺古以音同通用如猗儺或作阿  
那或作婀娜音義竝同

淇水泂泂。○毛詩釋文泂本亦作瀼

案孔氏正義本作瀼瀼



淇水攸攸。〔張參五經文字〕漘字書無此字見詩亦作攸  
淇水油油。〔楚詞注〕十六油油流貌詩曰河水油油

案此引詩河水油油河字是淇之誤毛傳云漘漘流  
貌廣雅釋訓油油流也油油卽漘漘之異文王氏詩  
攷引入碩人詩以此句爲河水洋洋之異字非也

淇水悠悠檜楫松舟。〔毛詩釋文〕楫本又作楫

〔太平御覽〕六十四詩曰淇水悠悠檜楫松舟

案御覽九百五十三引詩文同又事類賦二十四引  
淇水悠悠句藝文類聚八十八御覽七百六十九九  
百五十八引檜楫松舟句文並同悠卽漘字之消

九蘭。○毛詩釋文芄音九本亦作九

芄蘭之枝。○說文草部芄芄蘭從草九聲詩曰芄蘭之枝

案枝毛詩作支古今文之異說苑修文篇引詩亦作  
枝從今文也讀詩記引董氏曰支石經作枝說文同

童子佩觿。○毛詩釋文佩依字從人或玉傍作者非

童子佩鐏。○周禮貳稷注鐏讀如詩童子佩鐏之鐏

案鐏字說文訓銳也銳大益也觿者佩角銳謂可以  
解結禮記內則注觿貌如錐以象骨爲之是佩觿當  
從角旁爲正作鐏者同音假借字也鄭君釋十煇三  
曰鐏謂日旁氣刺目也故讀如佩鐏之鐏

垂帶翠兮。〔毛詩釋文〕悸韓詩作萃垂貌

案悸者萃之假借說詳韓詩攷

童子佩玦。說文韋部。玦射決也。所以拘弦以象骨韋系著右巨指從韋某聲。詩曰童子佩玦。或從弓作𠄎。

童子佩鞮。〔太平御覽〕六百九十二。詩曰童子佩鞮。

案鞮與鞬通。說苑修文篇云能治煩亂者佩觸能射御者佩鞮。字亦作鞬。

童子佩鞬。〔唐石經〕鞬作鞬。

案鞬乃鞮之俗體。

能不我狎。〔毛詩釋文〕甲韓詩作狎。

案毛傳甲狎也甲狎古今文之異說詳韓詩攷

河廣

一葦航之○楚詞注四航度也詩曰一葦航之

案楚詞杭一作航洪興祖補注云杭與航同引許慎

曰方兩小船竝與共濟爲杭說詳魯詩攷

一葦航之○藝文類聚八詩曰誰謂河廣一葦航之

案初學記六白帖六太平御覽六十一又七百七十

又一千引詩文同

企予望之○楚詞注十六企立貌詩曰企予望之

案企毛詩作跂同音假借字也說詳魯詩攷

曾不容舸。〔毛詩釋文〕刀小船也。字書作舸。說文作舸。

案正義云：小船曰刀。說文舸，小船也。字異音同。

曾不容舸。〔太平御覽七百七十一〕詩曰：曾不容舸。

伯兮

伯兮偁兮。〔文選注十九〕

宋玉高唐賦

韓詩曰：偁，桀挺也。疾驅

貌。

〔玉篇〕人部：偁，武貌。詩曰：伯兮偁兮。

案《毛詩》作偁，傳訓爲武貌。偁，卽偁之通假。說詳韓

詩攷。

邦之傑兮。〔玉篇〕人部：詩曰：邦之傑兮。傑，特立也。

案傑毛詩作桀古文之段借胤經音義五引詩亦作邦之傑兮與玉篇同皆據韓詩也

焉得蕪草。○〔毛詩釋文〕謏本又作萱說文作蕪或作蕪

焉得菱草。○〔爾雅釋訓〕菱忘也郭注曰義見伯兮詩

案菱卽蕪之消說詳魯詩攷王氏詩攷二采焉得菱

草云出爾雅釋訓音義

焉得萱草。○〔文選注五十三〕毛詩曰焉得萱草○傳曰萱

草令人忘憂

稽叔夜養生論

焉得萱草。○〔文選注二十五〕

謝惠連西陸遇風獻康樂詩

韓詩曰焉得

萱草言樹之背薛君曰萱草忘憂也

案臧庸云白帖十七又九十九引亦作萱草喬樞謂謝惠連詩云積憤成疾痼無萱將如何是所據詩作萱字李注引薛君曰誼草忘憂也云萱與誼通是所據韓詩作誼字說詳韓詩攷

安得萱草。說文草部萱令人忘憂草也從草玄聲詩曰安得萱草重文殘云或從煖萱云或從宣

案安毛詩作焉盧文弨云初學記二十七引詩亦作安得萱草

焉得護草。事類賦二十四詩曰焉得護草有狐

有狐父父。王應麟詩攷云齊詩

案王氏以爲齊詩未詳所據攷玉篇父部父行遲貌  
詩云雄狐父父今作綏顧野王不及見齊詩玉篇所  
採多據韓詩文說詳韓詩攷



王風黍離

彼黍稊稿。毛詩釋文離說文作稿

案佩觿亦作稿稿稿通作穉廣韵穉穉黍稷行列也  
行邁薿薿。玉篇才部詩傳曰薿薿猶遲遲也今作靡

案毛詩作靡靡卽薿字之消借玉篇所引詩傳卽毛  
公詁訓傳也

中心惓惓。爾雅釋訓惓惓憂無告也郭璞注賢者憂懼  
無所訴也

案爾雅釋文惓本又作搖邢昺疏曰樊作遙毛詩傳  
云搖搖憂無所愬搖遙竝惓之段借

憂心忉忉。玉篇心部忉憂也。詩曰憂心忉忉。

〔衆經音義〕二詩云憂心忉忉。

案毛詩作中心忉忉。玉篇及衆經音義所引與毛氏文異。蓋皆據韓詩也。

悠悠蒼天。毛詩釋文蒼天本亦作蒼爾雅云春爲蒼天憂心如醉。後漢書劉寬對曰任重責大憂心如醉。

案李賢注引謝承書曰寬少學歐陽尚書京氏易尤明韓詩外傳皆究極師法。和爲通儒益足證韓詩黍離三章中心皆作憂心也。又曹植釋愁文亦作憂心如醉。子建用韓詩者也。

君子于役

曷其至哉。詩經考文古本作曷其至哉

案毛詩今作曷其至哉無其字

雞棲于時。毛詩釋文時本亦作塙

案據此是陸本作時字卽塙古文之消借

牛羊下來。文選九班彪北征賦觀牛羊之下來李善注

毛詩曰日之夕矣牛羊下來

案今毛詩作羊牛下來說詳齊詩攷

曷其有僂。說文人部僂會也從人昏聲詩曰曷其有僂

案毛詩作僂傳云僂會也釋文引韓詩云僂至也廣

雅釋詁括會至也是會亦有至義說詳韓詩攷

牛羊下括。

〔文選〕

謝靈運擬  
鄴中集詩

注三十毛詩曰日之夕矣牛

羊下括

案唐石經上下章並作羊牛今據詩汜麻樞牛羊來  
暮班彪北征賦觀牛羊之下來謝靈運擬劉楨詩  
遊牛羊下暮坐括揭鳴是所據詩上下章均作牛羊  
惟王微雜詩云日暗羊牛下李善注引毛詩曰日之  
夕矣羊牛下來與石經文同

君子陽陽

左執鸞。

〔說文〕羽部鸞鸞也所以舞也從羽設聲詩曰左

執翳

案翳毛詩作翳傳云翳也翳也毛蓋據爾雅爲訓  
楊之水○毛詩釋文揚如字或作楊木之字

案臧庸云藝文類聚八又八十九太平御覽三百三  
十三又九百五十六及毛詩義疏並作楊字

彼記之子 彼已之子○毛詩箋彼其或作記或作已讀  
聲相似

案此鄭君舉魯齊韓毛四家詩字之異同也詳見鄭  
箋改字說

杙月余旋歸哉○文選謝朓晚登三山還望京邑詩注二十七毛詩曰

懷哉懷哉曷月余旋歸哉

案余毛詩作予

不流束蒲。毛詩箋蒲蒲柳

案毛傳蒲草也釋文云蒲如字孫毓云蒲草之聲不與戊許相協箋義爲長今則二蒲之字未詳其異耳喬樅攷周禮職方氏其澤鼓曰弦蒲注引鄭司農云弦或爲汧蒲或爲浦知古人讀蒲柳之蒲爲浦故得與許字韵協其蒲草之蒲則讀如符故符洪家池中生蒲長五寸五節如竹形時人異之謂之蒲家後遂改姓符氏也

中谷有藿

鵠其乾矣。○說文水部鵠水濡而乾也從水鷄聲詩曰鵠其乾矣重文灘云俗灘從隹

案鵠毛詩作瞶傳云瞶菸貌許所傳詩三家今文也  
嘅其歎矣。○毛詩釋文嘆本亦作歎  
瞶其脩矣。○毛詩釋文脩本或作脩

案毛傳脩且乾也攷劉熙釋名云脩縮也腊脯乾燥而縮是脩本訓乾肉引伸之草乾亦曰脩也脩字又脩之假借

條其嘯矣。○毛詩釋文嘯籀文嘯字本又作嘯

案五經文字嘯詩亦作歔藝文類聚十九引詩作嘯  
悵其泣矣○韓詩外傳二詩曰悵其泣矣何嗟及矣

案悵毛詩作啜說詳韓詩攷

菟爰

有菟爰爰○漢書李廣傳注王風菟爰之詩曰有菟爰爰  
案菟毛詩作兔說見前兔耳篇

逢此百離尙無訛○毛詩釋文罹本又作離叱本亦作  
訛

案文選注二十五

盧子諱劉琨詩

引毛詩曰逢此百離離

者罹之假借字訛者叱之假借字說詳魯詩攷又曰



帖二十四引詩次章作尙寢無覺寢字蓋寐之譌

雉離于苞○說文网部苞覆車网也從网包聲詩曰雉離于苞重文學云苞或從孚

雉離于學○漢書司馬相如傳注詩曰雉離于學

案毛詩作雉離于學離雉古通學苞字同

葛藟王族刺桓王也○毛詩釋文刺桓王本亦作刺平王按詩譜是平王詩皇甫士安以爲桓王之詩崔集注本亦作桓王

案正義曰定本云刺桓王義雖通不合鄭譜攷皇矣正義引士安以阮祖共爲三國名本魯詩則以葛藟

爲桓王詩蓋亦魯說也

大車

大車轡轡。○白帖十一詩曰大車轡轡

案五經文字轡音檻大車聲詩風亦借檻字爲之

毳衣如綯。○說文糸部綯帛離色也從系剡聲詩曰毳衣如綯

案毛詩綯作莢傳云離也箋云亂也郭璞注爾雅釋言云莢草色如離在青白之間是莢綯字異而訓爲青色則同也說詳魚詩攷

大車噉噉。○廣韵二十三寃詩云大車噉噉噉重遲貌

案毛詩作嘽嘽噉者嘽之或體與嘽字同見玉篇

毳衣如璫。說文毛部璫以毳爲縹色如璫故謂之璫璫  
禾之赤苗也從毛耑聲詩曰毳衣如璫

案毛詩作璫傳云璫也釋文云璫音門說文作璫云  
以毛爲屬也解此璫云玉璫色也禾之赤苗謂之璫  
玉色如之璫赤也說詳韓詩攷

毳衣如璫。韓詩外傳曰璫異色之衣也

列子釋文下

案外傳疑是內傳之誤說詳韓詩攷

謂余不信有如皎日。文選注十五

潘安仁寡婦賦

韓詩曰謂余

不信有如皎日

列女傳四詩云有如皎日

案毛詩余作予釋文云皦木又作皎說詳魯韓詩攷  
邶中有麻

將其來施施○毛詩釋文邶王中毛如字鄭七良反下同  
將其來施○顏氏家訓書證益河北毛詩皆云施施江南  
舊本悉單爲施

將其來頤○說文繫傳十六頤下錯曰頤伺候也詩曰彼  
留子嗟將其來施施當作此頤字

將其來食○毛詩釋文食如字一云鄭音嗣  
其將來食○詩經考文古本作其將來食

案鄭箋云言其將來食疑鄭君本是作其將來食盧  
文昭曰據上章正義云其將來之時施施然則並上  
章亦似作其將來施施

邶中有黍○白帖云毛詩邶中有黍思賢也

案毛詩作有孚白帖所引恐是字誤

詒我佩玖○白帖三十五詩曰詒我佩玖

案詒毛詩作貽貽古字通用